

Broj: 05-02-5-9060/23

Sarajevo, 26.12.2023. godine

PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

n/p Sekretara

Primijeno:		17-01-2024	
Org. jed.	Broj	Priloga	Vrijednost
05/1	- 02 -	514	123

PREDMET: Odgovor na zastupničko pitanje, dostavlja se

VEZA: Vaš akt broj: 05/1-02-514/23, od 04.12.2023. godine

Akt Vlade Federacije BiH broj: 03-04-1406-25/23, od 05.12.2023. godine

Poštovani,

Federalno ministarstvo finansija, od strane Vlade Federacije Federacije BiH, zaprimilo je Vaš akt, pod brojem i datumom veze, u čijem prilogu je dostavljeno zastupničko pitanje, postavljeno od strane uvaženog zastupnika g-dina Ivana Bobana, na 7. redovnoj sjednici Predstavničkog doma Parlamenta Federacije Bosne i Hercegovine, održanoj 28.11.2023. godine.

Uvaženi zastupnik traži odgovor na pitanje, koliko je prihoda po osnovu naknade za korištenje hidroakumulacijskog objekta izgrađenog na potopljenom području uplaćeno u budžet Grada Livna i Općine Tomislavgrad, u skladu sa Zakonom o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata („Službene novine Federacije BiH”, br. 44/02, 57/09 i 105/21), te da li se citirani Zakon primjenjuje, posebno upućujući na zadnju dopunu Zakona iz 2021. godine.

Shodno navedenom, a u skladu sa našim nadležnostima, dostavljamo slijedeći

ODGOVOR

Visina, način izdvajanja i usmjeravanja dijela prihoda preduzeća ostvarenih korištenjem hidroakumulacionih objekata, izgrađenih na potopljenim područjima, propisani su odredbama Zakonom o izdvajanju i usmjeravanju dijela prihoda preduzeća ostvarenog korištenjem hidroakumulacionih objekata („Službene novine Federacije BiH”, br. 44/02, 57/09 i 105/21).

Kada je riječ o dopuni Zakona iz 2021. godine, koju akcentira uvaženi zastupnik Boban, ističemo da je na prijedlog zastupnika, odnosno delegata u tadašnjim sazivima oba doma Parlamenta Federacije Bosne i Hercegovine, 2021. godine donesen Zakon o dopuni Zakona o izdvajanju i usmjeravanju dijela prihoda

preduzeća ostvarenog korištenjem hidroakumulacionih objekata („Službene novine Federacije BiH“, broj: 105/21), kojom se propisuje da godišnji iznos naknade za korištenje hidroakumulacijskog objekta izgrađenog na potopljenom zemljištu ne može biti manji od 1.500,00 KM po 1 hektaru (ha) hidroakumulacijom potopljene površine. Citirana dopuna Zakona stupila je na snagu 06.01.2022. godine.

U skladu sa Pravilnikom o sadržaju, načinu i rokovima izvještavanja o prikupljenim i raspoređenim prihodima budžeta, vanbudžetskih fondova i ostalih korisnika javnih prihoda na teritoriji Federacije Bosne i Hercegovine („Službene novine Federacije BiH“, broj: 92/18), posredstvom Ministarstva finansija Kantona 10, od strane gradske/općinske službe za finansije Grada Livna i Općine Tomislavgrad, Federalnom ministarstvu finansija redovno se, dostavljaju izvještaji o ostvarenim prihodima općinskih i gradskih budžeta.

Prateći podatke iz prednje navedenih izvještaja, u nastavku Vam dajemo pregled naplaćenih prihoda po osnovu naknade za korištenje hidroakumulacijskog objekta izgrađenog na potopljenom području, za period 2019-2022. godina, o kojima su na izvjestili Grad Livno i Općina Tomislavgrad.

Pregled naplaćenih prihoda po osnovu naknade za korištenje hidroakumulacijskog objekta izgrađenog na potopljenom području u periodu 2019-2022. godina

u KM

OPĆINA/GRAD	2019	2020	2021	2022
Livno	0	0	0	0
Tomislavgrad	2.120.807	1.790.287	2.734.237	1.526.155

Izvor: Ministarstvo finansija Kantona 10, na osnovu izvještaja Grada Livna i Općine Tomislavgrad

S poštovanjem,

MINISTAR
Toni Kraljević



Dostaviti:

1. Naslovu
2. Vlada Federacije BiH